

Ze swjedženjom 25lětne wobstaće woswječili

Choćebuz (SN/MiR). W Žylowskej pěstowarni „Mato Rizo“ woswječiču minjeny pjatk 25. jubilej zahajenja modeloweho projekta Witaj. Z nim běše Serbske šulske towarstwo proces rewitalizacije delnjoserbskeje rěče zahajiło. Předsydka SŠT Katharina Jurkowa dopominaše na započatki džělawosće a posrědkowaše słowa něhdyšje předsydki towarstwa Ludmile Budarjoweje, kotraž ma kubłanišćo za „kolebku serbskeje rěče“ w tamnišej kónčinje. Zdobom džakowaše so wona nestorej Witaj-hibanja Janej Bartej. Amtěrownicy decernent za socialne, młodžinu a kublanje pola města Choćebuz André Schneider ma dwurěčnosť w měsće za wulke wobohaćenje. Na zarjadowanje, kotřež su Mila Zacchariasowa, Mylene Krawcikoje a Jenifer Dünnbierowa zhromadnje z kubłarkami tamnišeho a kubłanišća Villa Kunterbunt, ze staršimi a swójbnymi, wosebje pak z wjesnej zhromadnosću přihotowali, běše sej tež wotrjadnik w saskim ministerstwie za kultus Gerald Heinze dojeł. Wón hódnoćeše projekt Witaj mjez Sakskej a Braniborskej jako mjezy

překročacy. Předsyda Domowiny Dawid Statnik wuzběhny wysoku hódnotu kubłanišća hladajo na rěčny projekt ZORJA. W tutym widži wulke perspektiwu serbsko-rěčneho wuwica tamnišeho regiona. Wón naspomni, zo su džěci a dorosćeni, kotřiž delnjoserbsce wuknu, wurjadni multiplikatorojo za připóznaće wot wotemrěća wohroženeje serbskeje rěče.

Na swjedźensce wupyšenej luče na ležownosći Žylowskeje pěstowarnje běše atmosfera po oficialnym džělu zarjadowanja wjesoła a žiwa. Kubłarki a dalše žony w delnjoserbskej drasće spožčichu swjedźenje raz kermuše, kotruž chcedža z tutym podawkom wožiwić.

Tež z Hornjeje Łužicy běchu sej zajimcy z busom do Žyłowa dojeři, zo bychu sobu swječili, mjez nimi tež wjacori sobudžělačerjo SŠT. „Sej lochkosć dnja popřeć a wjesołosć dožiwić, to njemóžeš nikomu přikazać“, rjekny jednaćel towarstwa Andreas Ošika. „Či, kotřiž su so wobdžělili, su tole přewšo žiwje začuwal.“ Wšako mějachu při hudźbje kapały nAund chwile k zhromadnemu spěweju abo rej. Džěci pak namakachu swoju zabawu na nowym pěstowarskim hrajkanišću. Te su wobydlerjo Žyłowa, předewšěm čłonojo towarstwa truckerow, zašty tydžen hakle natwarili. Za swjedžen trěbne financne srědky nazběrachu sej starši ze wšelakimi akcijemi hižo loni.